

[fol. 179r]

Außgab auf Ambts- zöhrungen

- Litt. J* Wie beigebogne Anschaffung von Curfürstlicher hochlob. Hof Cammer Minchen *de dato* 12. Augusty 1687 zaigt, ist genedigist anbefolchen, alle damahls verhandtne Preugeföhl, deren an alten annaoch 1065 fl. 39 kr. 6 hl. vnnd an dennen neuen 36270 fl. 14 kr. gewest, alsobalden zum Churfürstlichen Hof Zahlambt Minchen zeyberbringen, mit welchen Georg Schamberger, Preuambts-Pott, aldahin abgefertigt vnnd ihme *per* 14 Meill Wegs, ieder 15 kr. sambt 4 Täg *sig.* Warttgelt vermög Pottn Zetls, datirt den 15. Augusty *A^o* 1687, bezalt worden 4 fl. 30 kr.

- Dan hat man Georgen Hueber, Burgern vnd Gasst-geben alhier, von obigen Geltern, so er mit 4 Pferden nacher Minchen geliefert, zu Fuehrlohn yberhabts *pac-tirtermassen* bey abgestatt den 25. Augusty 1687 15 fl. —

Huius 19 fl. 30 kr. —

[fol. 179v]

- Litt. K* Als nun von dem Churfürstlich lob. Rentambt Straubing *sub dato* 7. vnnd *praes.* 11. Augusty 1687 ein Befelchsreiben alhero eingeliefert worden, crafft dessen man wegen des *pro anno* 1685 bestandtnen Geldtressts aine ordentliche Abrechnung verfassen, selbige eigenhendig vnder-schriben vnnd ferttigen, auch solche volgents sambt denen bey Handten habenden *Original interims* Scheinen vf Mittwoch den 27. diss durch aigenen Potten zue obbemelt Curfürstlichem Rentambt Straubing einschickhen solle, ist zue selbiger Volge dessen, darmit der ahiesige Preuambst Pott Georg Schamberger aldahin *expedirt* worden, welcher nach Inhalt Potten Zetls *per de dato* 26. Augusty 1687 *per* 7 Meill *ordinary* Lauff- sambt ainen Tag Warttgelt empfangen 1 fl. 25 kr. —

Huius per se